

第一萬一千二百八十八號

第一日每字取洋五釐第二日至第七日按日每字取洋三釐第八日起按日每字取洋二釐半結算字數則先以五十字之處爲率多則以十字遞加至直行告白則以三百字起碼價值一律並不增收此佈

又分取不張開山刀自切

西曆一千九百零四年九月十一日 外埠則照遠近酌加寄費 上海每張取錢二十文

圖書集成局啓

再論錫金兩縣罷市後拆毀學堂事

錫金兩縣以米捐津貼學堂經費一事聚衆罷市放火焚燒楊範夫孝廉之宅并掛毀功實東林兩學堂等語。學堂不過於原捐之中酌提若干撥充學費並非格外加捐也於米業毫無所損與米行董事更不相干趙張兩重事不允將已經捐出之款撥充學堂經費苟非米業所捐之數徒有其名並無其實即趙張兩董事中有染指半涉侵吞恐入學堂事須核實故不惜力爲抗拒以冀保全其私橐也此罪之不可寬者一也論者謂楊孝廉本非公正之輩生平行事向不滿於錫金兩縣之人議撥米捐亦無非假名學堂爲侵蝕之計因之米商咸不願意抗不遵從夫楊孝廉之侵公肥私無中生有錫金兩縣人士皆能鑒鑒言之吾固無庸爲之曲諱然於此事則孝廉固不任咎也蓋欲謂其侵公肥私而議撥之米捐尙未定計撥入學費則無弊可舞也欲謂之無中生有則所撥者乃酌提米業原捐之數之一二既非全撥指及他項善舉亦非增捐以致妨害本業不得謂之喜事也故綜孝廉所爲之事論之不能免人之指摘而就此事論之則孝廉殊不可厚非米業中既心惡孝廉之爲人不妨稟知上憲謂撥米捐以充學費米業中固無不願而令楊孝廉爲學堂董事經理此款是徒以供其私橐米業中皆不允從如是則理始直而詞始壯乃計不出此而糾衆以焚孝廉之室夫焚孝廉之室猶可謂因于犯衆怒也毀及學堂是顯違朝廷興學之旨而有心破壞之也此罪之不可寬者二也聚衆罷市心存挾制此最爲地方之惡習商業之澆風凡遇此事皆宜嚴辦昔胡文忠公撫鄂時沙市曾有罷市一事文忠怒札縣重懲以爲效尤者儆蓋不如此則太阿倒持凡事皆將受制於閹閹而不能有所作爲矣今錫金兩縣因米捐罷市雖各業皆備非止米商一業然非由米行爲之聳動則各業何至隨聲附和犯此不韙之名是罷市者各業而所以釀此罷市之事者米業也撫憲端中丞批錫金兩縣稟詞謂趙張二人於罷市一事未必不曾與聞可謂洞燭其隱此罪之不可寬者三也焚燒楊孝廉之屋拆毀該實東林兩學堂此必匪徒所爲米業中人或尙不敢犯此然非先由趙張二人糾合各米業煽惑各店一律罷市則匪黨雖衆何敢推波助瀾肇此狂悖之事禍魁戎首非趙張二人而何其罪之不可寬者四也今者端中丞已札委許太守王大令會同錫金二縣安速辦理并令將趙張二人傳案質訊毋任其諉卸吾恐辦理此事者拘拘於罷市爲必犯衆怒而寬米業中人輕縱趙張兩米董敷衍了事不爲盡法嚴懲是適以

長鸞陵之習而挾衆把持者益將肆無忌憚矣故爲此論以備採擇焉

本館接奉電音 ○昨日午後二點鐘越三十分時京師友人飛電傳來

上諭一道敕譴譯登○七月三十日內閣抄奉

上諭江南狼山鎮總兵員缺著候選道黃忠皓補授欽此

電傳 宮門抄 ○昨日午後二點鐘越三十分時京師友人專電告知本館云七月三十日

皇上召見軍

機大臣及麟德

譯俄報述旅順戰情 ○某英文日報譯瑞維克來俄文報紀旅順戰事云華歷七月初十日日軍進攻我軍直至十三日黎明方烟消彈息及十一點鐘時復聚集重兵以攻我軍右翼砲臺名沙來地維區尼者是夜十二點鐘又令隊猛轟我軍之防禦之地當時雖被我砲火所轟傷死大半但日軍仍踐屍蹴骸而進卒被衝入隊中我軍隨以短兵相接戰斃無算其餘始行却退是役也敵人傷失甚多就日軍所發電光中察之但見滿地積屍如坻如邱情景甚爲可駭嗣日軍得他處發來援兵一隊遂復鼓勇進攻然仍復被我軍擊退其第三次來侵亦未得手方兩軍交綏時我陸軍提督戈而下司基統率砲隊奮勇抵禦數日未息後見砲臺已毀壞不堪方令兵士退守他處實迫於勢之不得已也十四日晨有日軍一小隊將砲數尊用馬負之而過適爲我軍所見當即驅散迫午時復有日軍出沒於塘頭山後亦經我軍擊走午後二點鐘敵軍大隊來攻携有一百二十密里米突口徑之大砲一百尊向我軍轟擊勢極猛烈同時於十八里莊見有日本馬步兵一大隊至六點鐘時攻我軍防禦之地經我軍擊退傷失甚多

日報實言 ○前報曾登日本誤傳旅順已陷之事茲悉日本某西字報於華歷七月二十四日著爲論說切責政府不應於諸事漫不經心致生如此笑柄蓋先是民間謠傳政府一得攻占旅順之官電當立即升砲佈知以故某日午後聞有砲聲通市人民咸輟業歌呼手舞足蹈但思區區細事官場何至如此夢夢以致空喜一番傳爲口實然推原其故實誤於本地各新聞館先發傳單後知其謬猶不自引咎該爲實欲飛報遼陽被陷之信倉卒中誤作旅順云云既又將錯就錯於晚上舉行勝會此次謠傳其關係最大者乃各項工作人一聞砲聲即松約停工歡呼雀躍懸燈結彩慶

智捷奇致某公司輪船諸事部署已定將次啓行因此而行駛之期竟致遲緩雖然既往不咎但願嗣後各存謹慎之心勿再如從前孟浪俟得有
旅順攻陷確信始行歡樂未爲晚也

俄防旅順 ○烟臺來電云客有由旅順避兵至此者述及日軍於華歷七月十四日攻占俄人營壘北方東西諸村落後將俄人逼入旅
順新舊二市之中目下俄人方死守老鐵山饒頭山鞍子山白玉山黃金山北斗山一帶竭力抗拒愈戰愈酣向不知錦繡江山何日始能落入日
人之手也

俄防鐵嶺 ○山海關來電云有客歸自鐵嶺述及日前俄人督令小工千餘名自車站迤邐達三秦關山村落綿長二華里許建築土壁
約高四尺有奇更於三秦關山之巔建築砲臺以資戍守土壁之外分段張幕爲營車站四圍遍設幕營所駐陸軍多至不可以數計其在城內者
每驛令華人他往占住其家間之土人言各處俄兵約共一萬二三千名之譜

俄擊漁船 ○日本大阪某日報云日前有日本北海道漁船九號分載漁人一百七十餘名駛近堪察加半島昆拔河邊突被俄兵所攻
將其中全勝九一船強行劫去并擊斃漁人五十餘名尙存一百二十餘名由寶生九住吉丸長盛丸喜福丸貫通丸榮昌丸大慶丸榮壽丸八船
載之出險

俄皇謁艦 ○華歷七月三十日英京倫敦來電云克朗司塔特地方之路透訪事來電據稱俄皇於昨日巡閱被羅的艦隊之各艦擬於
禮拜六日啓旋開駛

添募俄兵 ○華歷七月三十日德京柏林來電云邇來俄國復於維而拿幾乎卡山司克哇特沙等數處地方添募兵士兩隊
日軍被擊 ○華歷八月初一日法京巴黎來電云日軍於旅順某處被俄軍發一旱雷傷斃七百人
俄軍北退 ○華歷八月初一日法京巴黎來電云俄軍現向北面緩退日軍爲兩所阻迫擊時甚爲困難
日軍失機 ○華歷七月三十日英京倫敦來電云盛京路透訪事電稱俄軍退去之兵現已穩抵彼處日軍竟不能於途中襲擊或者其
已疲於奔命與

日擬埋雷 ○華歷七月三十日英京倫敦來電云頃據俄京聖彼得堡官報謂日軍於本月二十七日曾臨高殺戈平司克砲台旋於腦
維克砲台左近潛埋地雷爲我軍砲火所阻致不能如其所願

強徵馬料 ○山海關來電云華歷七月十九日有民船百餘號由營口滿載豆餅駛出口門甫過城山子浮橋突被俄兵攔截不由分說
悉數充公蓋將攫此以代戰馬所需芻秣也

廣購馬鞍 ○山海關來電云邇者占據新民屯一帶之俄兵雇令華人出賃以購馬鞍及一切粘轡之類約需八千餘件大約其價當不
貲也

馬賊分黨 ○日本大阪某日報云奉天馬賊分爲二黨一稱紅鬚子一稱忠義軍其稱忠義軍者素以飯向日人爲志羣推李波山爲首
長手下嘍囉之類不下三千名平時嘯聚貔子窩一帶地方自俄人占據遼東若輩不安其居遂散而爲盜茲者其地已爲我日所有遂仍羣聚其
間其稱紅鬚子者初爲俄人所懷柔目爲俄黨時出沒於熊岳城大石橋諸處以防他項匪類毀壞鐵路火車跳刀拍張良民深以爲苦某日若輩
闖入徐家屯豪富李姓宅突將家屬及所備客作殺害十餘人強索白銀三十萬兩之多俟分四散又一日在羅家屯左近與滿洲軍馬隊抗拒殺
害官軍六十名其黨約有五千名俄人給以砲二尊槍若干枝所惜中國茶弱不堪無力將其壓服以致橫行無忌殺人越貨習以爲常洎我軍攻
拔大石橋蓋平縣某君馳書乞派大軍征討我軍因即調出步兵一小隊四出搜尋若輩自智力不能支登時戰羽潛鱗不知所向使此後能設法
招徠降服則良民益當懷德畏威矣

伶工效死 ○日本東京來信云東歷八月十日旅順之戰我日軍諸軍艦內兵士死傷甚衆屍積如山其中以軍樂工隊爲最多計全隊
二十六名祇有十名得離死地聞之某將校曰自中日交戰之後諸艦皆不用軍樂以故伶人絕無效命疆場者此次戰事初開樂工隊領班人曰
諸統帶諸武員自願入營供職是以由二月以迄今日諸艦號鼓手皆用伶人承當致執籌秉翟翟之流亦不免血飛肉薄也

覆轍宜防 ○日本大阪某日報登中國京師來電云近有自稱新黨者擬在東三省設立保衛公處以行立法司法理財整軍之權其中
會長委員悉聽民間公舉蓋以妖拳煽亂之後政府無權轄制地方一切生命皆資財胥賴民人自行保衛因擬逐漸擴充新政藉以抵制外人之侵
漁日前訂立章程十條稟請日本駐京使臣內田康哉贊成其事內田君峻詞拒之聞若輩自言刻已糾合同黨一萬餘人定於與京創設本部徐
及海龍附近各州縣俾東三省各處全數入其掌握之中嘻其將蹈昔年唐才常等人創建東南新造自立國之覆轍乎內田君夙以修睦鄰息
事寧人爲志宜乎拒之不欲與聞也

郵政籌款 ○昨由京師友人郵示戶部籌備有郵政經費札文一道誠留心時事者所先觀爲快者也爰照登之 戶部爲札行事北檔
房案呈准外務部咨光緒三十年二月初一日據總稅務司申稱竊維郵政一事歷辦至今除甘肅一省未經設局外總分各局已及一千處之多
上年局中共收郵資約三十五萬兩共支經費約六十七萬兩現據總辦擬具明年推廣之法呈核照其所擬明年約需經費一百零九萬兩以入
款三十萬兩計之不敷約七十四萬兩之譜不得不設法籌備因思郵政現尙未有專署仍屬海關兼辦不若即由關稅項下逕提所需之數若可
照行則每月津海江漢江海關海關等六關各撥銀一萬兩計共六萬兩作爲協濟郵政之費俟各郵局入可敷出時再行停撥等情本部
以近來庫儲支絀異常實難撥此巨款籌備郵局經費惟郵遞爲中國要政不得不設法維持因飭總稅務司擬一節省經費辦法茲復函稱郵局
出售郵票每年約三四十萬兩加以所請之常年經費七十二萬兩可得一百餘萬兩以此款項推廣郵政得效必速戶部款項充裕能允此款最
爲合宜如戶部只允一半三十六萬兩加以郵票進款三四十萬兩得此款項現時已設之郵局仍可照辦倘戶部一無所允則郵政只得停辦外國
郵局必即刻乘虛入手寔爲中國利權所繫誠爲可惜甚望經費有著俾得照常辦理等語查郵政一項關係中國利權甚大該總稅務司所陳各
節不爲無見將總稅務司申呈及郵政總辦所擬略各一件咨部核復將原件仍還本部等因前來本部查中國自創辦郵政以來商民寄遞函
件均稱妥便惟所請常年經費一節部庫支絀異常無從撥措惟有仍就該稅務司所擬由津海等六關稅收項下每月各撥銀一萬兩應令各該
關監督酌量籌解仍不得有誤例支各款相應飛札該關道遵照可也須全札者

署缺有由 ○京師訪事人云正在湖南巡撫趙次珊中丞於未奉 恩命署理戶部尚書之前二日曾封遞壽款條陳十則內有整頓戶部一條 皇太后披覽之餘即問某邸曰此事爾看如何某邸奏稱奴才查趙爾巽精力才幹勝鹿傳霖十倍且辦事極肯認真當此財力奇窘之時亟宜整籌開源節流之法趙爾巽既能籌款若令署理戶部尚書以期切實整頓庶於大局有益云云 太后深以為然故遂降旨命署戶部尚書

中書考期 ○京師訪事人云本屆考試內閣中書原定於優貢朝考後即行開考後因報考人數寥寥無幾國子監工程亦未修竣因是展緩考期刻下投卷者已有九百餘員遂聞定於七月二十五日考試又聞報考不及千人只取四十員用二十員若至一千員則加倍取用蓋定例然也

順德匪氛 ○廣州訪事人云邇來粵之順德縣境東馬廐西馬廐等處會匪嘯聚至六七千人謀為不軌士民間有圍攻縣署之信紛紛挈家遠徙茲小醜當不難一鼓而平也

六朝帆影 ○鎮江訪事人云七月二十一日有一德國兵艦由申江抵鎮下旋江中翌晨艦中兵士二百餘名各荷洋槍至京畿鎮左近操演打靶之技日加午始各回舟○七月某日新勝水師營哨弁某君在南門外邏獲慣用迷藥誘騙人財之要犯小九子一名立時解送丹徒縣署稟請縣主楊襟山大令研訊

星使行轅紀事 ○昨為仲丁釋菜之期天未黎明蘇松太兵備道袁海觀察觀察江南提標右營參將周參戎松海防同知黃小霽司馬上海縣知縣汪瑞庭大令上海學教諭邱贊思廣文以及上海縣縣丞蔣二尹主簿孫少尹典史趙少尉齊集文廟分班行禮至天明禮畢復赴吳應二公祠致祭始分道回衙

星使行轅紀事 ○昨日蘇松太兵備道袁海觀察觀察甯滬鐵路總辦潘芸孫觀察及江蘇候補道高觀察蔚光江蘇撫標滬軍親兵營管帶鐵太守林某局總辦沈太守鳳韶南市馬路工程局總辦翁子文太守秉鈞上海縣知縣汪瑞庭大令懋現城廂內外保甲總巡朱森庭明府吳淞砲隊營統領電樓田鎮軍福山鎮總兵徐吉雲鎮軍江蘇撫標滬軍營統領龍葆珊遊戎江南督標奇兵營統領羅楚材參戎江南機器製造局砲隊營管帶張都戎玉發暨租界公廨職員在城文武各員先後命駕至北河南路天后宮側出使行轅分別稟安稟見襄辦練兵事務兵部左侍郎鐵寶臣星使概飭巡捕官出而接駕

上海官場紀事 ○淞滬釐捐局督辦陳亦漁觀察兆璜捕盜局委員屠小漁明府仁溥均於昨日至上海縣署拜會縣主汪瑞庭大令○十六鋪保甲巡防中局委員王坤元參軍清芝高昌廟保甲巡防局委員孫庚梅二尹調鼎虹鎮保甲巡防局委員王肇之二尹篤基太陽廟保甲巡防局委員章次校二尹仲英三林塘保甲巡防局委員彭伯良二尹各驛楊家渡保甲巡防局委員蕭馥亭二尹泗助同於昨日至上海縣署稟見○昨日日本邑貨捐局驗委員曾煦齋二尹寶謙乘輿至上海縣求見縣主汪瑞庭大令見之

俄艦出臨 ○俄國巡洋艦阿爾斯谷爾自旅順口突圍而出駛至上海入引翔港對浦耶松船塢修治大吏聞之恐有妨我國局外中定章程迭經札飭蘇松太兵備道袁海觀察與駐滬俄總領事官互商卸去艦中軍械及一切行船機器惟時浦潮過小暫泊塢中至昨午午後三點鐘時始鼓浪而南下曉浦東寶隆洋棧左近當駛至江海新關對面倉卒中碰沈一駁船船中篙師四人經人救起其二向有一人已隨波逐流不知所向矣

匪首成禽 ○會匪頭目馬德芳前與其黨九人在英界百花里某妓院開筵暢飲經包探拘入捕房隨即派人保出以致保人被累管押嚴追茲悉馬逃匿常熟縣境被緝私營某哨弁拘獲解至撫轅撫憲端午橋中丞發交蘇州府管押昨已發電來滬飭查前次案由矣

催科要政 ○昨日午後上海縣主汪瑞庭大令升坐大堂召集本邑四鄉二百一十四圖地保挨次點名諭以所有本年下忙錢糧及帶征寶山縣境西塘工費均須依限催收不得遲誤如有流氓土棍肇事及演唱花鼓淫戲等情務必稟明聽候查辦

局員任事 ○新委南市十六鋪巡防保甲中局委員王坤元參軍擇吉昨日到差午前乘輿入局由司事勇丁迎入叩賀如儀未幾參軍即赴各董事處拜謁

上海縣署瑣案 ○王敬清扭捏孫庚庚霸阻遷墳等情前晚縣主汪瑞庭大令升堂研訊王供前者孫將坐落二十三保八圖之墳地一畝有零賣與小的刻下小的已轉賣與蘇姓經人勸令貼孫洋銀五十元為遷棺費不意孫勒索錢二百千文延擱至今不肯遷去為特扭求訊究孫供王所許遷費太少故未遷移大令申斥一番交人保出限一月遷棺○楊阿順控衛阿弟誘拐姪媳等情前晚大令升堂研訊衛供小的與章氏故夫同業成衣楊向小的借錢不遂適章氏潛逃遂誣捏小的誘拐後經地保蔡毛毛勸小的給洋銀三十元由楊投案求銷小的允之七月初一日將洋銀付楚今仍由差提訊顯被誣騙向乞鑒原楊章氏供丈夫於去歲病故六月十五日小婦人與姑角因此來滬借宿姚和向家阿順素與衛有隙私囑小婦人誣攀與衛有姦叩求明察大令飭掌煩二百下交官媒看管衛押候訊懲○黃忠和誣騙江南機器製造局庖丁章某洋銀由局員獲送到縣前晚大令向之研訊黃供小的在高昌廟鎮行醫章會倩小的治病因之相識日前其友孫姓邀小的宴飲因之與孫識面翌日小的出外孫忽至家與妻子聞談後在牀上吸食洋烟小的回家查悉將妻訓斥孫即挾恨唆令章誣控被騙洋銀等情大令飭交的實人保出速回湖南原籍違干嚴辦

上海保甲總巡局紀事 ○浦東南匯縣境大團鎮人王阿榮向習整容業僑居大東門外張河浜左近邇來不務正業專以藉端詐擾魚肉善良為事經保甲總巡朱森庭明府訪聞特飭差協同地甲提案候懲○昨日十六鋪巡防南局委員賈礎玉參軍帶同勇役赴各段巡查瞥見王家碼頭設有賭攤立命驅逐以安善良

馬路工程局紀事 ○前晚甬孩董炳生以地藏王誕辰在門前焚香點燭忽與鄰居萬順祥烟館中小孩蔡坤臣奪取香梗致相爭扭坤臣之父聞聲出視突持門毆擊傷董助董母金氏向之理論旋復扭訴捕房捕頭一併轉解馬路工程局總辦翁子文太守傳襄調委員黃衡堂二尹研訊之下斷令坤臣之父為董延醫療治俟痊愈後再給洋銀二元以示體恤○前日花衣捐客喬雲州被王家馬頭水果阿二軋至三鳳茶樓藉端索詐因之據情投報馬路工程局總辦翁子文太守飭差將阿二拘獲管押捕房聽候示期訊核○某姓家婢女鴻喜年甫十七前日忽失所在因於昨晨開明面貌衣服稟請馬路工程局總辦翁太守派差查緝

東振善士花戸細數補登

上海四馬路中市望平

華英四書

文交界考

松耶齋志異地之

人谷五三郎

在購票是幸

周來明珠一顆後又得一

之

新張

小都天 齋 科 樞

正帶聚精旺血固本調經

二四

附錄

理人

各省大憲內地一體通銷以裕餉源本公司實備資本洋十五萬元十萬元存廈門匯豐銀行臺灣銀行及各埠莊並總公司餘五萬元存各分局以備中彩就近領本公司原為利益公家起見自開辦以來誠信相

橫濱正金銀行上海分行新行鈔票洋圓

本總行創自橫濱一千八百八十年資本金洋二千四百萬圓公積金洋貳百三十二萬元分設各國名都大邑廣有通交中國上海天津牛莊北京分設亦已年久今在上海分行新行通用自一元五十元之鈔票洋圓奉准本國政府允行始於中歷十一月初二日起以便行旅經商之一助其外

總行創自橫濱一千八百八十年資本金洋二千四百萬圓茲將金洋分三十二萬元分設各國名都大邑廣有通交中國上海天津牛莊北京亦已年久今在上海分行新行通用自一元五十元之鈔票洋圓奉准本國政府允行始手中歷十一月初二日起以便行旅經商之一助其外

奏辦浙江善後彩票頭彩式萬元八月初七日開彩
 本公司自奉 諭旨辦理以來通飭各埠至公無私第三十一會已於七月初六日當衆開彩紅票憑號單實足兌洋今售第三十二會票仍設一萬五千張每張改爲念則售洋五元彩額增至一千五百四十五張之多較他省之票容易獲中准於八月初七日仍在拱宸橋本公司開彩務祈 官紳士商屆期 光顧是幸此佈
 浙省協濟總公司上海南市分公司啓 乙卯三三

高麗參機公至洋
 麗次冒取去高麗
 風報信因而人
 不食言
 大
 吉
 昌
 號
 白
 乙
 三
 三
 二

京都天寶齋藥局

天下馳名

靈驗第一

○異人傳授球黃八寶化毒丹

○包愈男女一切楊梅結毒限日全愈永無後患

此丸乃本齋獨得異人傳授良方重用真正犀黃珠粉血珀極品上藥泡製久練成丹專治男女楊梅結毒橫痃下疳小便便皮破爛一切毒門無論初起染久包可限日至全愈如前醫不精服藥不愈誠庸醫圖利不顧人之性命攸關獨用輕粉升藥倒提丸等當時立愈乃毒氣內閉逢春又發四肢痛酸甚至鼻塌髮禿紅斑起點皆緣毒藏筋絡且必染妻絕子其害非淺餘毒未淨其患不休此實醫者未得方述患者豈望安全今本齋不惜重資修合濟世染者即將此丸服下立刻止痛消腫去毒凡極重極危之症服藥一料立可全愈價雖略貴而效足值當能掃盡骨內一切毒氣且能生育無害屢試屢驗必發必中輕者五天全愈重者七天絕根如用倒提丸輕粉升藥雷火焚凡誤染此毒者雖諸醫束手危險萬分請嘗試之方知本齋藥靈方真之功也

○每料價洋十元每瓶洋二元

○另有珠黃下疳散每料洋七角

○如男女下疳瘡立見拔毒去腐生肌止痛保復原形仍可生育得子此乃第一仙丹也

○立愈珠珀五淋白濁丸價洋一元

○舖在上海二馬路中市西鼎新里口石庫門內便是

NXLTII

啓者本號前因店後失慎以致延及本棧所有貨物遭火經水粗細各種
材已於本月廿六日延請名意師摩在本棧全行查勘清楚現在修理
裝葺業已工竣擇吉於八月朔日爲始仍舊開張照常交易誠恐各紳
商號未及週知爲特登報聲明此佈 英大馬路本號自啓 乙丑年

己玉相棧
以至宜房
酬敵倘屋
雅棧各高
意帳寶大
房行地
面號位
證有寬
賈貨爽
值欲儲
一儲裝
切棧各
乙外者貨
外請均

第六十六會票已於七月卅日九點半鐘在本公司如法開彩所有得彩號數經印有對號單分派以便核對其得彩之票所携到本公司收銀可也第六十七會票已印出一萬五千張頭彩二萬五千元每張分爲十則每百張得彩十張有餘共得彩有一千五百數十號

本公司江南義賑票乃奏奉 硃批創辦已久公
正素著中外咸欽今蒙 南洋商督憲魏 核辦
開辦江南義賑副票係用三聯票一條拾買客照
執一條對收紅票一條留根存箱交公正人看解

開彩後查對中票當衆開箱開彩之日開出一號即將原號木珠掛出一面將此號懸牌所售票數先於開彩前一日止截計該副票用一號至一百二十號任點十五號開三十號中號最多者爲頭彩中號稍次者爲二彩又次爲三彩又次爲四彩同中同分每票全張二元仲規元一兩五錢每張分十二條每條規銀一錢二分五厘即將八成派彩勻作十份頭彩六份二彩一份七五三彩一份二五四彩一份均於開彩後三日按照得彩次第名數公勻派領該票截數開彩業請大憲委員親臨監視以昭大公公司從此售票愈派彩愈鉅皆諸仁翁財福所聚如票業欲代收副票者請先到掛號擇吉七月初九日領牌開收八月初七日十點鐘在本公司開彩此佈 江南義賑彩票新辦副票廣濟公啓

本局屢次賽會考取最優文憑自造中西木器馬車電鈴治病電箱化學珊瑚頂珠金珀朝珠象牙玳瑁各器裁絨袖毯鞍鞅精製景泰藍器具以及洋胰紙烟等類一應俱全貨精價實中外官商到京無不購求數件携歸贈人視為京師名產必不可少之物外洋外省投函定貨者務祈書明北京琉璃本局字樣以免歧誤再本局出色之品為采辦貨物備辦官禮投贈洋友以及奩具壽儀祭器所需為最多合併聲明 北京琉璃廠工藝局謹啓 乙未三

禮拜一拍賣

羅順堂洋行

准於初
二在本
舖在十
十五箱
士葛治
箱薄荷
酒二百
酒一百
打鴨臣
餅酒五
香餅酒
蘭西肥
西門七

日上午十點半
 拍賣白藍地酒
 酒二十八箱老
 士忌酒四十五
 四箱輕極士毡
 金頭小瓶香餅
 十箱皮酒一百
 四十箱白頭香
 箱緣頭大小瓶
 一百三十箱法
 九十箱此佈江
 羅順堂洋行啓

魯始創英
意自一千
師同八百
摩治十七
洋三十七
行即年四
年

准於初四
日上午十
點鐘在本
行拍賣頭
等東洋靈
巧顧繡古
銅古磁一
應東洋古
重什物不
計此佈
公意師摩
丙午年

香港太古糖局
售出

行由港自運
五溫B 唛四溫
四溫四溫二五
四溫四溫三
七五H 唛三溫
糖出售如貴
欲買祈請到本
房面訂買定即
定銀如過期不
將定銀罰去特
佈聞上海考太
洋行謹白

准於初四日二點
賣公信四磅半王
紅標和記灰印
布瑞牛鍾進士色
豐泰鐵公鵝像
羽綢女文魁并布
羽綢望來心芳亭
財羅壽絲光色
閃花羽綢銀花
絲光元羽綢印
船紅人馬白鐵路
實不計此佈

半鐘在本行拍
磅六磅南北斗
粉粧樓色花羽
花羽綢廿五箱
絳光元羽色花
中和孔雀元毛
肉花羽綢永興
綢地亞士二番
綢義源九牡
十支定南針橋
棉牌等棉紗餘
行啓

曾最刮痛
 伯為傷可
 廉奇火立
 所妙傷止

CHAMBERLAIN'S
PAIN-BALM
 THE GREAT NERVE-PAIN EXPELLER
RHEUMATISM
 BRUISES, SCALDS,
 LAME BACK, LUMBAGO,
 AND GOUT,
 Sprains, Swellings and Inflammations
CUTS, BRUISES,
 WOUNDS AND LACERATIONS,
BURNS AND SCALDS.

且用如製
甚以人止
易治割痛
告之僮藥

此山得爾彌地藥丸為治五淋二濁最見捷效之藥
蓋如照法服之無論久新輕重痛而且腫只須兩日
痛除腫退濁止淋通再服五天一共七日定可除根
保無復發故泰西各國諸醫無不謂之濁淋聖藥中
國通商各口一總藥房亦無不樂為代售以愈沉痾
惟 賜顧者須知此藥惟法國彌地一家所製方秘
不傳名馳天下故於每丸藥上有印NO.1記者庶非假
冒至其服法初服每點鐘一丸至兩晝夜盡若不聞
斷無不淋通濁止腫退痛除如是每天再服四丸至
滿七日定可除根永不復發但於服藥之日必須靜
養毋使勞動忌食性熱之物更忌房事



新法照像

從來照像多費時日使人不能立取本主人深以為憾現新悟得一法立刻可取價錢照舊賜顧者請到拋球場或跑馬場羅華照像便知

乙XTM

A large, detailed illustration of a vintage gramophone with a large horn, positioned on the left side of the page. The gramophone has a large, flared horn that curves upwards and to the left. The body is ornate and sits on a decorative base. The entire image is rendered in a high-contrast, black and white style with heavy shading and fine lines, giving it a woodcut or engraving appearance.

輪船准于八月初
四日即禮拜二下
午一點鐘開往長
崎神戶橫濱等埠
小包收到禮拜一
午刻客票賣到初
四日十點鐘止倘
蒙各寶號如欲
裝貨搭輪者務祈
早臨爲幸
郵船株式會社

寶順洋行保險
本行設申最先辦
理火險歷有年數
做公司在外洋創
立百餘年資本頗
巨賠款迅速恐未
週知爰特登報無
論行號棧房財產
家私一例可保價
極克己倘荷見顧
請至二馬路外灘
本行帳房面議此
佈
甲三

茲有頭壩德馨
糖店生財店底
前由東姓盤與
烏姓今於七月
廿六由烏姓轉
盤與勤昌號爲
業烏姓往來各
帳歸烏姓自理
與勤昌無涉恐
未週知特此登
報聲明
勤昌啓

啓者本行經理
 諸格西大公司
 有年承保中外
 棧貨房屋生財
 傢伙衣服什物
 保費克己倘有
 不測賠款迅速
 貴客合意請至
 四川路本帳房
 面議是也恐未
 週知特此佈告

遺失莊票
今遺失信源
莊八月初六
期第二千三
百九十六號
票洋一百元
已向該莊說
明作為廢紙
望各寶莊號
切勿收用七
月廿九王克
記具

告白

小號自同治初年開辦
祇在上海分設申莊辦
貨報運凡向蘇杭湖州
南京鎮江等處往來各
實辦補貨均係函托或
報關直寄九江或寄由
申莊轉口從無派友向
取設有私相授受即係
受騙小號概不承認爲
特登申明兩報廣告務
祈均鑒

九江運昌義記具

乙亥二月

今遺失通源
莊本票第一
千三百三十
二號八月初
五期計規銀
二百兩正此
票途中遺失
已向該莊關
照作廢望各
寶莊號切勿
收用特此聲
明怡隆洋行白

本公司專理湖北官布貴商賜顧請臨本公司面訂價格外克己定期不悞此佈
江西路四十一號應昌公司啓

| | |
|---------|------------|
| 銀行電匯銀票 | 二先令六辨士八之二 |
| 銀行現銀票 | 二先令六辨士八之二五 |
| 銀行三十天期票 | 二先令六辨士八之三 |
| 銀行四個月期票 | 二先令六辨士八之四五 |

| | | | |
|----|----|-----|------|
| 江天 | 輪船 | 由寧波 | 招商局 |
| 江寬 | 又 | 由長江 | 招商局 |
| 盛京 | 又 | 由烟台 | 太古公司 |

| | | | |
|-------|----------|----------|-------|
| 崇明堡鎮 | 新匯劃收市 | 七月三十日行情 | 銀洋銀兩左 |
| | 拆 | 七錢四分三六二五 | |
| 初一日 | 找頭 | 七錢二分五 | |
| | 找頭 | 七百八十文 | |
| 小火輪 | 錢 | 一百十三千 | |
| | 牌 | 一百十二千 | |
| 上午八點半 | 衣卡市 | 八百八十文 | |
| | 大滯郵政收信時刻 | 曉諭傳單 | |

| | | | |
|----|---------|--------|--------|
| 美富 | 又 | 由香港 | 招商局 |
| 漢陽 | 又 | 由烟台 | 太古公司 |
| 大利 | 又 | 由長江 | 火阪公司 |
| 海林 | 輪船 | 直放神戶 | 郵船株式會社 |
| 萃利 | 八月初三日出口 | 船禮拜一 | 麥邊行 |
| 北京 | 輪船 | 開往長江等處 | 太古公司 |
| 豐順 | 又 | 下午往寧波 | 招商局 |
| 新濟 | 又 | 開往烟台天津 | 招商局 |
| | 又 | 開往福州 | 招商局 |
| | 又 | 開往天津 | 招商局 |

[illegible]

湖南洋務局札飭常德府湘潭縣示禁洋商開設行棧文 ○為札飭事照得各處內地並非通商口岸議定不准洋商開設行棧各國商約均已載有專條又同治四年總署頒發洋商請照入內地買賣摘要章程第二款內載其入內地買賣貨物請領三聯運照稅單者單內須註明本國允納內地半稅及書明本商姓名本行字號為憑如有違章照例罰辦其入內地止准寄居華商行店之中不准在彼長住租賃房屋開設行棧等語詞義本極明晰凡屬內地均應切實遵守現在風聞有洋商往該府縣謀設行棧情事顯與定章相背亟應援約禁止合就札飭札到該府縣即便出示曉諭無論何國洋商或自往或派夥赴該府縣地方買賣貨物均應遵照條約寄住華商行舖不得另設行棧倘有奸商託名影射即行照約封禁不得稍事通融致啟違約之漸事關通商條約內外界限不得不詳晰分明也切切此札

其城近事 ○松江訪事人云華亭縣治南鄉葉樹嶺左近富戶蔣甲近方雇匠造屋同族木工蔣桐生藉口滋擾經人排解饒以番佛六尊桐生所欲甚奢糾同土棍王全浦等人復向尋釁適飛划管師船駛至甲子蔣乙訴知船長將桐生及王扭入舟中稟請管帶徐遊戎轉解縣署時桐生之母亦以被甲拔子為詞投縣聲控縣尊孫花樓大令訊知底蘊開導一番飭各具切結不得輕啟訟端○郡城方塔住持僧妙和素行無賴曾於東門外毆羅菴住持物化後偕世英堂僧人馳往尋釁毀禪堂各物波及地保某甲家控經前任華亭縣陳仲陶大令拘案訊鞫妙和聞風逃遁迄未重懲近以事過境遷私自回里見方塔一席地已由僧綱司主持不禁勃然大怒欲向廟鄰及地保理論事為差役所知立即拘入縣署縣主孫花樓大令升堂研訊判責手心四百下驅逐出境翌日押送出城時行李中藏有刀械鐵尺等物適為巡防局董所見派局勇拘送縣署想又當按律嚴懲矣○江南提督楊鏡嚴軍門邇以各處汛境輿圖年久失修時勢變遷不無今昔之異遂飭標下浦南北各汛弁各將所轄境內橋梁河港及有無教堂繪圖詳細註明呈候核奪

英美等國租界公廨晚堂瑣案 ○林金氏偽稱失物指控所私張阿金行竊前晚謝員黃耀宿司馬升堂研訊張供七月初旬小的因事赴蘇迨回申林金氏即稱失去銀劍銀表及鈔票洋銀十五元現洋銀三十七元小的以形跡可疑向之查問氏大發雌威竟將小的掌頰無數務求大老爺懲辦斷難離房主張齊村供此事係小的目擊張並非虛言司馬將氏發押棲流女所氏供稱小婦人家有老母年已七十有三所生幼孩祇二三歲現願自行回籍與母同居司馬援筆判曰林金氏著具遵斷離異即日回蘇切結張阿金著出洋銀十元作為川資起案贓物及鈔票給阿金具領張齊村開釋○比商天寶洋行主徐恒孚號主曹日義定貨不出等情司馬會邀同比領事會訊限曹於三月內將所定漂布四十二箱一併出清此七月二十二日事也前晚曹又投案訴稱商人奉斷後即持銀四百七十三兩至行出貨行中人如數收銀貨不發出求恩作主司馬著靜候函詢比領事再行定奪○日前包探徐阿華在新開河中拘獲行竊耕牛之王茂林李新喜王阿卿三人及賊船一艘解奉司馬暫行管押前晚升堂研訊二王及李供稱船向嘉善東門外姚鎮竊來牛則竊自北門外沿江徑得洋銀三十一元司馬著將茂林責二百板李及阿卿各責一百板押候失主來案訊核既而有馮元孝者投案訴稱小的係紹興人在嘉善縣東門外范炳章酒作爲夥前者作中失去一船歷赴盛澤餘姚等處訪尋無著今已破案求准領回司馬允之隨諭馮曰本縣擬將伊等即日派差解往嘉善訊辦爾可傳語彼處鄉人如有失牛之家儘可赴縣呈控也馮諾諾而退

英美等國租界公堂瑣案 ○前者律師高易以箱籠寄頓英總領事署旋失去皮衣五件寶銀一錠署中傭人董林生曾於西歷八月六號托隔爰故辭回寓波邇日重復來申同事見其並不改穿素衣因訴之洋人報請捕頭查緝前禮拜六捕頭著包探趙銀河將董解案訊鞫黃耀宿司馬研訊之下董供稱此項皮衣由小的與張汝春王丁官同竊質錢儀分司馬著傳齊質訊昨日趙探解到張王經襄諭委員王松丞刺史推鞠張供小的服役英署已經八年所有各處鎖匙均由小的管理隨將高易律師如何寄箱如何失物情事一一登訴如數家珍王所供大略相同刺史知董誣誣商之德總領事署繙譯官麥令豪君判責二百板管押三個月○前日夜半時虹口元芳路第七十一七十二號門牌協康南貨店夥蔡雲生用鐵絲撬開錢櫃之鎖行竊制錢五百餘文當十銅圓五十餘枚小洋銀七角携之而出適為五百十六號巡街華捕所見喚同號主某甲拘入捕房昨晨解送公廨甲後案申訴前情并求免辦刺史得判責手心五十下以示薄懲○有王子香者泊舟蘇州河中前日投捕房報稱被陳阿金逼令聚賭輸去洋銀若干捕頭著五百六十三號華捕將陳拘獲昨日送案請懲王稱陳糾入天后宮賭博致小的輸去小洋銀若干枚後又屢來纏擾因之投訴捕房刺史判令將陳枷號一禮拜發蘇州河畔示眾○粵妓梁阿玉控押客徐阿二行竊象牙骨摺扇一柄拖鞋二雙等情徐供小的曾至梁妓處遊閒並未行竊刺史著責一百板職給梁妓領去○偷兒陳阿二行竊正金生家洋傘及鞋報經四百三十二號華捕拘入捕房捕頭令解案請究刺史判責二百板管押半年○一百七十八號華捕解流妓金桂香至案稟稱前晚金妓在雲南路強曳行人故出小由拘案請辦金妓稱小婦人原籍江西僑居會香里出外購物並不拉人刺史判罰洋銀十五元○德國商人文自格控馬夫劉東海擅行辭歇以致無人駕車等情劉供洋人時將小的兒毆是以不願執役刺史著文算給工資聽其自便

法租界捕房瑣案 ○上年五月湖州人廖啓良以李朱氏欠洋銀三百元圖賴不還控經前職員魏蕪塢大令訊供押迫至歲杪交人保出限於本年正月內理楚不意自此氏竟置之不理廖妻郭氏因於昨日投案訴稱丈夫現回原籍患病甚重小婦人接來信言欲得此款為醫藥費因向李朱氏催問伊非但不理反敢矢口辱罵叩求提案嚴追職員陳楚生大令著靜候查核卷宗再行訊理○拐匪王長根誘得沈和向之妻女藏匿蕩婦趙楊氏家控經大令提案訊供判將王枷責趙楊氏發交某善堂留養昨日氏母楊張氏覓得本租界保人投案具保請將其女領回東臺另行擇配大令准之給以名片一紙著自投普育堂請領○積賊陸順金行竊某姓家衣服首飾奇藏婦張徐氏家經包探拉獲前案大令訊取口供押候答責昨日飭提至案著將陸枷號兩月責六百板張徐氏責手心二百下交其夫張福卿領回管束○積賊王阿福前因迭次犯案驅逐出境現復至北京輪船行竊衣物經包探拿獲解奉大令訊供著重責五百板發改過所收禁三月○偷兒張阿四偷阿金行竊某姓家東洋車指照經大令訊供著將張責二百板俞責一百板

美租界捕房紀事 ○前日傍晚時龍飛馬車行內馬夫陳阿會王金二駕車至虹口禮查路不知如何馬忽溜韁而逸直至西華德路兆豐路轉角處始經張子興奮力扣住送入捕房捕頭詰知尚未肇禍將馬給陳王領回○甬人劉東海在舟山路第一號洋房某西人家當馬夫前晚不知何故忽爾停工不作西人怒投報捕房捕頭令包探張才寶將劉拘獲押候解送公堂稟請職員黃耀宿司馬訊鞫○昨日徐連坤扭西人某甲至捕房訴稱頃者行經吳淞路某弄被甲無端扭毆請為究辦捕頭令甲自書姓名住址給徐以便持赴該管領事署控請訊懲○昨日工部

局所雇掃除垃圾夫役劉阿富將垃圾用車載至百頓路施阿如家門前任情傾倒地同理論劉負氣不服口角之下拼訴捕房捕頭令其自投工部局據情聲訴

署湖北天門縣胡大令倡捐並代募紅十字會捐款清單
○署理天門縣知縣胡印俊采洋一百元天門縣釐金專局蔣印鈞字洋四十元天門縣儒學教諭紀印燮元洋十元天門縣儒學訓導王印家鳳洋十元本任天門縣巡檢徐印應乾錢一千支特授天門縣典史曹印汝霖洋十元天門縣儒學堂教習傅印廷儀洋十元湖北卽補府經注印承社洋十元署內培心齋洋十元彰德堂安定堂植蘭堂德隆堂各二元武陟堂崇德堂敬義堂德聚堂各一元述古堂崇記扶風堂敦厚堂平陽堂懷德堂各一元角推收書錢一百二十串○城市胡貽慶堂龍洋三十元胡永合永發大房保善和永發福瑞生福來同龍洋各十元全盛美龍洋八元白正興龍洋七元志興公源豐厚侯大盛黃怡昌源順鴻龍洋各六元永茂福保泰堂永茂和龍洋各五元榮盛福益泰福永太和張宏泰永太墊陳永泰泰隆泰春堂各四元余怡太元興隆李惟芝郭恆森陳怡德堂復聖和守銘堂龍洋各三元倪仙樵吳致和周同發慶茂和天昌永守掛堂楊恆盛大房陳同春鄧大興徐吉太恆新永龍洋各二元○岳口慶春隆永昌厚同順祥龍洋各十元鄭和順恆升元方公大龍洋各四元劉天昌兩益生李萬順金永盛祥興永龍洋各三元羅義生信美元陳恆豐胡三益利牛福勝義昌義生元金萬和鍾萬豐蔡天順唐益源德盛玉福興恆龍洋各二元崔祥和金復成德福茂龍洋各一元危明鴻周開泰泰國誠劉壽先張正瀛熊錫長梁家桂劉廷梁李慶王鳳梧錢各四串○皂市張星煥龍洋八元羅萬盛趙寶記程仁和徐厚生于卿記何品聖張益太黃榮記朱同發鼎豐祥龍洋各一元李發利楊芳泉錢各六串汪三勝錢汪登科春森福孫恆和錢各一串彭市河鮮德聚泰益正興永泰生和李源鍾四房李萬順順興泰黎永興大房周興和晉昇合邱永泰李楚元胡全興黃萬泰鍾三房永發榮恆興成胡永興黎永興錢各一串○彭市河鮮德聚龍洋六元彭和順龍洋五元簡隆勝于世茂夏謙順龍洋四元源泰德源泰福合龍洋四元洪源元龍洋三元成萬順源茂成興發裕彭勝泰彭合興龍洋各二元鮮興發洪源利彭德茂鼎泰祥陳永順彭怡順劉學昌張慶源陳聚泰同公合龍洋各一元○乾縣乾國錢五十元中榮國錢七串五百文松國錢七串東國錢六串二百文拖東錢五串二百文盧國錢四串馬國錢各五串方國錢五串三百文觀國沉國劉家洲錢各四串拖西錢二串二百文
上海萬國紅十字會全人謹啓

新日學堂各書簿筆硯捐出清單
○書簿銀六角○小五錢三角五分○分額尺銀五角○快心新五角○鋼史二角五分○耳郵一角五分○書票銀三角○東征集一角五分○國難記二角五分○澆愁集二角五分○東樓記一角五分○書融堂二角○書樓寧五角○小豆棚三角五分○蓬露集一角五分○香暖集二角○新增宜鄉要則一角八分○會侯日記一角○使琉球紀一角八分○東池草堂八分○東啓零稿一角五分○海尺四角○三閣略三角○夢園叢說二角○文海微沙二角○寶蘭餘談二角○四庫彙纂二角○和約彙抄二角○中東和約五分○瀛寰瑣記三十○寰宇瑣紀三十○四庫瑣紀三十○紀載彙編一角五分○訂論雜錄一角五分○藝林伐山二角○靈檀碎金三角○景福齋雜記一角五分○正續水滸四角○雲間樓目抄一角○讀史探源錄二角○驢駝軒寶言一角○尊聞閣試帖二角○觀雲甲乙編三角○靈憲異草初集二角二集三角○會文正公家書四角○又大事記一角五分○求職齋日記一角五分○書札一元○書屋尺牘一角五分○詩句題解四集一角五分五集一角五分○妙香室叢話四角○東隱紀要一角五分○啓隱集七角○紅樓夢補四角○名賢尺牘七分○歷下志游八分○漫遊紀略七分○中軍紀略二角五分○淞南夢影錄八分○息菴尺牘一角二○書海初集二角○戊子直省閩黑八分○惠亭雜錄四角五分○道聽塗說二角○尺牘初稿二角○書註小食山房尺牘二角○思齋日札八分○三借齋詩話三角五分○瓜廬尺牘一角五分○十粒金丹七角○醒睡錄三角五分○欣賞齋尺牘二角五分○鳳月書二角○集錦尺牘一角○外科全生集八分○詳述知覺軒尺牘一角五分○筆耕齋尺牘七分○墨屑一角五分○驚素堂文集一角五分○通問便集二角○廿五種書每本三角

本堂主人向在關東設立東記新營莊專運人參鹿茸諸上品來申發售久已馳名所以本堂採辦北鹿鹿易能挑選再擬擇吉修合景岳百補大全鹿丸先佈聞
上洋法大馬路與聖街口介春堂謹啓

美國李楠芳大律師
本律師向在美國辦理法律事務今來海上專辦各國華洋交涉訟案以及轉契掛號清理帳項等件茲請方君逸侶爲經理梁君五雲爲助理諸君若主爲辦理諸君願臣爲文案齊君際清陳君潤侯等爲書記如 各紳商有要緊公事請駕至四川路三十號寫字房商辦可也或至虹口發昌帳房向方君接洽亦可特此廣告
乙卯二月

廣東恒豐公司壽餉彩票頭彩四萬圓八月十一日開彩
條一員三千號每號分爲五十條每條大洋二角其中式銀按號照派以八成派彩額少彩多比各彩票爲優第五年第二會於八月十一日在廣東城西西北帝廟戲臺當衆開彩屆時由 大憲委員監督以昭公道而昭慎重如 貴客領餉批額請移至上海南市潮惠會館後棉陽里中分局預訂 再中式紅票如無分局錯口圖章概不收兌因無票根可查請諸君仍向粵東總局兌換此佈
駐滬恒豐公司分局啓 乙卯二月

湖北籤捐彩票頭彩五萬元八月廿三日開彩
本局奉 湖廣總督部堂 奏明開辦第卅二會設票五萬張每張售洋六元中彩共六千五百零七號計七張有零中彩一張以八成派彩額少彩多比各彩票爲優第五年第二會於八月十一日在廣東城西西北帝廟戲臺當衆開彩屆時由 大憲委員監督以昭公道而昭慎重如 貴客領餉批額請移至上海南市潮惠會館後棉陽里中分局預訂 再中式紅票如無分局錯口圖章概不收兌因無票根可查請諸君仍向粵東總局兌換此佈
駐滬恒豐公司分局啓 乙卯二月

太古火險公司
本公司承辦各項火險生意
凡有房屋貨物等項均可向本公司投保
賠償迅速
地址：上海南京路
電話：二二二

大清署理各口副巡司米查廈門關稅務司
所屬界內近廈門口地方查出暗沙二處合將其情形度勢開列於左 計開 一現經 英國藍伯類水師船統領帶官孟 稱近廈門口之處查出暗沙一段自該沙視東旋島爲南八度東相距十里有奇視金海之東南尖角爲北八十七度西相距約十四里視望潮落時沙上水深至少尙有一丈九尺 又查出暗沙一處自該沙視金門塔爲北十七度東相距十八里有奇視大廳島爲北四十七度西相距十八里有奇視望潮落時沙上水深至少尙有二丈五尺 以上所開度數均按羅盤方向光緒三十年六月初九日第四百號示中

茲有慶順里成餘莊夥成
於於七月十一日向本
莊支票一紙七月廿三期
元一千兩當借去時訂明
代付立有借條並蓋有庄
印圖章故被借去後至
到期該莊並未送銀至本
莊爲此登報聲明如收有
該莊票印請退還原根以
免誤認此佈 裕昌號啓

聲明
元照去冬收數早報每担計洋一
從廉定價而期限七月不料未
中元同斷貨者多家勢必轉
拆售就地存貨亦然慶慶慶慶
能中止此此此此此此此此
運載載載載載載載載載載
衆商亦洞悉其情今公議定價
担計洋一元三角以八月期日
始送力外加非敢圖利以因故
務祈 諸君未週知特此告白
上實 業同人公啓乙卯二月